

**Uunga siunnersuut: Qaffasinnerusumik ilinniartitaanerit pillugit Inatsisartut inatsisaat nr. xx, xx. xxx 2018-imeersoq**

*Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisumit saqqummiunneqartoq*

**Aamma**

**Uunga siunnersuut: Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersoq**

(Ingerlaqqilluni ilinniarnernik neqerooruteqartarneq pillugu aalajangersakkap atorunnaarsinneqarnera)

*Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisumit saqqummiunneqartoq*

**pillugit**

**Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap**

**siunnersuutit pingajussaaneerneqarneranut**

**ILASSUTITUT ISUMALIUTISSIISUTAA**

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap suliarinninnermini ilaasortarai:

Inatsisartunut ilaasortaq Doris J. Jensen, Siumut, siulittaasoq  
Inatsisartunut ilaasortaq Mimi Karlsen, Inuit Ataqtigiit, siulittaasup tullia  
Inatsisartunut ilaasortaq Laura Táunâjik, Siumut  
Inatsisartunut ilaasortaq Nivi Olsen, Demokraatit  
Inatsisartunut ilaasortaq Sofia Geisler, Inuit Ataqtigiit

UPA 2019-imi ulloq 29. maj aappassaaneerinninnerup kingorna ataatsimiititaliap siunnersuutit aammaarluni misissorpai.

**1. UPA2019/200-imut allannguutissatut siunnersuut**

Siunnersuutip matumani pineqartup aappassaaneerneqarnissaanut isumaliutissiisummini siunnersuutip matumani pineqartup pingajussaaneerneqarnissaanut allannguutissatut siunnersuuteqaqqullugit ataatsimiititaliap Naalakkersuisut qinnuigai.

Ataatsimiititaliap qinnutaa Naalakkersuisut malinniarsimavaat, tamannalu tunngavigalugu allannguutissatut siunnersuummik nassiussillutik. Allannguutissatut siunnersuut matuma kinguliani sammisanut agguataarlugu sammineqassaaq.

## **2. UPA2019/200-imut Ataatsimiititaliap allannguutissatut siunnersuummik suliarinninnera**

### *2.1 Bachelori - atorfinissutaasinnaasumik bachelori*

Allannguutissatut siunnersuummi imm. 2 naapertorlugu ataatsimiititaliap kissaataa Naalakkersuisunit malinneqartoq ataatsimiititaliamit oqaatigineqassaaq.

### *6.2 Nunani allani najugaqartarneq*

Allannguutissatut siunnersuummi imm. 4 naapertorlugu ataatsimiititaliap kissaataa Naalakkersuisunit malinneqartoq ataatsimiititaliamit oqaatigineqassaaq. Taamaattoq tamatumunnga atatillugu oqaatigineqassaaq, allannguutissatut siunnersuummi § 36. imm. 4 malillugu ilinniarfiit **periarfissaqarmata** qaffasinnerusumik ilinniakkanut allanut nunani allani najugaqartarneq pillugu piumasqaatinik aaqqiisinnaammata<sup>1</sup>. Periarfissaq tamanna inatsisissatut siunnersuutaqqaartumi aamma takuneqarsinnaavoq.

### *6.3 Ilinniakkat aaqqissugaanerit akuerineqarnissaat*

Allannguutissatut siunnersuutip imm. 3-ani ima allassimavoq:

*3. § 17, imm. 1, oqaaseqatigiit aappaat imatut oqaasertalerneqarpoq:*

*”Ilinniakkat aaqqissugaaneri aamma kingusinnerusukkut taakkunani allannguutit annertunerusut Naalakkersuisuni tusarniaassutigineqassasut, taakku ilinniarfeqarfimmit aalajangersarneqarnissaat sioqqullugu.”*

Aalajangersakkap oqaaseqaataani ima allassimavoq:

*Aalajangersagaq imatut allanngortinneqarpoq ilinniakkat aaqqissugaaneri aamma kingusinnerusukkut taakkunani allannguutit annertunerusut Naalakkersuisunit akuersissutigineqartussaananatik. Taarsiullugu ilinniakkat aaqqissugaaneri aamma kingusinnerusukkut taakkunani allannguutit, ilinniakkat aaqqissugaaneri aamma kingusinnerusukkut taakkunani allannguutit aalajangersarneqarnissaat sioqqullugu Naalakkersuisunut tusarniutigineqarnissaannik pisussaaffik ikkunneqarpoq.*

*Piviusumik naalakkersuisoqarfik akisussaasoq tusarniarneqassaaq.*

---

<sup>1</sup> Inatsisissatut siunnersuutip § 1, imm. 1 malillugu qaffasinnerusumik ilinniakkanut ilaapput bacheloritut, kandidatitut-, ph.d.-tut, inuussutissarsionermut akademimi, diplomitaarniarluni aamma masteritut ilinniakkat.

*Taamaaliornikkut naalackersuisoqarfiup ilinniartitaanernik  
ingerlataqarfinnik tamanik malinnaasup tusarniarneqarnissaa  
qulakkeerneqassaaq, ilinniartitaanikkullu aaqqissuussinerit  
ataqatigiinnerisa qulakkeerneqarnissaanut **siunnersuuteqarnissamut**  
naalackersuisoqarfik periarfissaqassalluni, qaffasinnerusumik  
ilinniagaqarsimallutik naammassillutik ilinniarsimasut sapinngisamik  
pitsaanerpaanik piginnaasaqarlutik naammassisinnaallutik.”*

Ilinniagassanik aaqqissuussinerit Naalackersuisunit akuersissutigineqartassanngitsut, kisiannili ilinniarfinit ataasiakkaanit aalajangerneqartarnissaat pillugit ataatsimiititaliap qinnuteqaataa Naalackersuisunit malinniarneqartoq ataatsimiititaliap paasivaa.

Siunnersuutip aappassaaneerpeqarnerani ataatsimiititaliap isumaliutissiissutaani imatut allassimavoq:

*“Siunnersuutip matuma pingajussaanerpeqarnissamut Naalackersuisut  
allannguutissatut siunnersuummik saqqummiusseqqullugit ataatsimiititaliap  
isumaqatigiittup qinnuigai, taamaaliornikkut akuersisinnaanermut  
piginnaatitsineq taaneqartoq ilinniagaqarfinnut inissinneqarniassammat.  
**Ilinniagaqartut pillugit aaqqissuussaaneq pillugu tusarniaaneq  
aalajangiisuutinngikkaluarlugu Naalackersuisut tusarniaasimanerat  
tamatumunnga atatillugu ataatsimiititaliamit pitsaasutut isigineqarpoq.  
Tamatumunnga atatillugu ataatsimiititaliamit Naalackersuisut  
kaammattorneqassapput ilinniartut pillugit aaqqissuussinerit  
tusarniutigineqarnerani sukkasuumik sullissinissaq salliutinneqaqqullugu,  
taamaaliornikkut ingerlaqqiffiusumik ilinniagaqarfiit ineriartornerat  
pisariaqanngitsumik kigaallassaqqunagu imaluunniit allannguutit  
uteqattaqqunagit.”***

Naalackersuisut tusarniarneqarnissamut pisariaqartitsinerat ataatsimiititaliap paasisinnaallugu oqaatigaa. Ersarissarneqarlunili, Ilinniagassanik aaqqissuussinerit akuersissutigineqarnissaanut tusarniaanerpup taassuma **aalajangiisuunissaa** ataatsimiititaliamit kissaatigineqanngimmat. Tamanna tunngavigalugu aalajangersagaq tassungalu oqaaseqatit ataatsimiititaliap imatut paasivai, ilinniarfiit ataasiakkaat ilinniagassanik aaqqissuussinernut missingersuummik suliaqareeraangamik Naalackersuisunut tusarniutigisassagaat, tusarniarneqarnertillu nammineq piumassutsikkut akisinnaagaat. Tassungalu atatillugu tusarniaanermi akissuteqarnissamut ilinniarfik naammattumik piffissaliisassaaq<sup>2</sup>. Taamaasiornikkut suliap suliarineqarnera pisariaqanngitsumik sivisuallaqqunagu taamaasillunilu ilinniagassanik aaqqissuussinerup aalajangerneqarnissaa kinguaattoorqunagu illuatungaani ilinniagassanik

<sup>2</sup> Tusarniaanermi nalinginnaasut tunngaviusut pillugit isumassarsiorffiusinnaasut ujarneqarsinnaapput uani ”Inatsisitigut najoqqutassanik, Kunngip pequssutaanik, nassuiaatinik il.il. Namminersorlutik Oqartussani avataanullu tusarniaanermut najoqqutassaa” Naalackersuisut siulittaasoqarfia inatsisilerisuisa allaffiat.

aaqqissuussinernut missingersuummut nassiunneqarsimasumut paasiniaanissamut oqaaseqarsinnaanissamullu periarfissaqaqqullugit<sup>3</sup>.

*6.4 Ilinniartitaanermut akitsuut - fagit ataasiakkaat aamma faginit aalajangersimasunut sammivilimmik pikkorissartitsinerit*

Allannguutissatut siunnersuummi imm. 1 naapertorlugu ataatsimiititaliap kissaataa Naalakkersuisunit malinneqartoq ataatsimiititaliamit oqaatigineqassaaq.

### **3. UPA2019/201**

UPA2019/201-imut allannguutissatut siunnersuummik kissaateqartoqanngilaq imaluunniit nassiussisoqarsimanngilaq. Tamanna UPA2019/200-p saqqummiunneqarnerata kinguneranik iluarsinerinnaammat.

### **4. Ataatsimiititaliap inassuteqaatai**

#### *4.1 UPA2019/200*

Ataatsimiititaliap **isumaqatigiittup allannguutissatut siunnersuut akuerineqassasoq** inassutigaa.


#### *4.2 UPA2019/201*

Ataatsimiititaliap **isumaqatigiittup siunnersuut akuerineqassasoq** inassutigaa.

---

<sup>3</sup> Allannguutini pingaaruteqartuni isumaliusersuut atuutissaaq.

Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut pingajussaaniigassanngortippaa.




Doris J. Jensen  
Siulittaasoq



Mimi Karlsen  
Siulittaasup tullia



Laura Táunâjik



Nivi Olsen



Sofia Geisler